

Коммунизмн диилврүр, уралан!

Эндр май сарин 1-шин. Нарта делкән куч-көлсчир хамц-дунтгудин кәдлмшчир ахир-дуунр мет хоорндан таарч нег-негидән улм энъкр болгъ-дннь ик нильчтә, оньдинд кегд-диннь учрарн мел авйас бол-дж одсн, эн өдр—ик байрин сән өдр болдг мөн.

Энджл эн өдриг темдглгън, нарта делкән олт-әмтс хоорндан ик-төвкнүн бәәцхәхин төлә, демократийин болн социализмин төлә ноолддж йовх төрмүдинь цааранднь улм күцлтә болгъл-гънд, теднә кучн-чидлиг ча-нъгъ хамцуллгътагъар кегд-дәнә. Алык орн-нутгин әмтсд кенднь болвчн дән керг уга. Тер төләд, олт зүсн орн-нут-гуд, нег-негнәннь кедж күцәнсн төрмүдиг зәрмдән таасл уга, кен-негнәннь кесн тоотиг го-дәд, гәәләд, хоорндан хортад, над-бүтәд бәәлгъиг багърулх кергтә.

Цуг орн-нутгудин куч-көлс-чир, зертә-зевтә дәнә кучн-чидлиг болн орн-нутгуд дәнә зер-зевәр бийән агслгъиг багъ-рулхин төлә болн дә босгъхмн гигъад бурад йовдг улсиг илт-кдж андрулдж, атомн болн водородн селмсин сөрлгъиг хөрдж уга кедж, тууг орн-нутгудин зер-зевин агслгънас гаргъдж хайхмн гидж муурлт угагъар ноолда кецхәх зөвтә. Атомн дә йир келгүлхмн биш. Дә босхулшгон төлә ноолддж йовх нарта делкән прогрессивн чидл йир ик, цаарандан чигн өсхмн.

Олт-әмтнә амулнь-джиргъ-лин төлә кегддж йовх, седклд байрта, зүркнд ханлтта, эн нертә ноолдаг толгъалдж йо-вхнь энъгин олт-әмтсин хувәр, Алдр Советск Союз болджана.

Кедж-күцәдж йовх төр-мүднь, газадин халхин поли-тикнь ик гүн күнъкл ухата болсн учрар, тер төрмүдин цутхлнь нильчнь, күцлнь лав-та тодрхагъар олт-әмтнд мед-дгин учрар, теднә тоолврла, седклә эн тоот ирлцснә уч-рар, Советск Союз цуг нарт делкәд ик тоомсрта, ик ачта орн-нутг болдж тусв.

Олт-әмтс делкәд ни-нииц-нъгъу бәәцхәхин төлә ноолддж йовх лагерин туг дор, социа-лизмин хаалгъд орцхасн Кит-дин алдр олт-әмтс, народн де-мократийин цуг орн-нутгуд,

ни-ниицнъгъу бәәхин төлә, де-мократийин болн социализмин төлә ноолддж йовцхах цуг про-грессивн күмн әмтс, цуг эв-рәннь кучн-чидлән Советск Союзин нильчтәгъар улм ни-ицүлдж, чанъгърадж батрулц-хав. Социализмин цутхлнь чи-рннь, күцлнь, нарта делкән олт-әмтсин седкл-уханднь улм гуунәр ордж батрдж йовна. Социализм—нарта делкән сис-темд хуврв.

Олт келн әмтс хоорндан, ямаран таарта, ни-ниицнъгъу, ахир-дуунр мет энъкр бәәцхә-нә, туунә тускар, СССР нарта делкәд үзмджтә үлгүр болджа-на.

Коммунистическ партъ болн мана Советск правительств келн әмтсин ленинск күнъкл гүн ухата, хол тоолврта поли-тикиг килмджтә кевәр күцә-дхәхин учрар, мана орн-нутгт бәәх кесг олт келн әмтсин эдл-ахунь болн культурнь цецгә-рдж өсдж-босдж йовна.

Ахир-дуунр болдж ниицсн, СССР-н келн-әмтсин таарта агъу ик өрк-булд, хальмг келн-әмтн, теднәсн хоцршго чик сән седклтәгъар, нерән гуташгогъар, эврәннь танъгъ-чан өбдлүлдж, эдл-ахугъан, эрдм-сургъулән цааранднь чигн делгрүлхин төлә аргъ чидлән әрвлл уга кәдлдж йов-цхана.

Ода эн байрта өдрмүдиг темдглджәх цагларн, уралан-дан ямаран керг-төрмүд күцә-цхәх болнавдн, терунәннь тус-кар тоолх зөвтәвдн.

Коммунистическ партин XX-ч съездин тууджд оргч шиидврмүд—мана хальмгин гардвр, терүг муурлт уга-гъар өдр болгън күцәлгън—мана эркн төрмүд.

Алдр Октябрьск социалисти-ческ революцин 40-ч өбниг мана орн-нутг энджл темдгл-дәнә. Тууг бидн нертә кевәр тосцхах зөвтәвдн.

Тегәд эн тоот байрта сән өдрмүдиг темдглхларн, хамг эрк биш күцәх кергүдән тоолдж, бидн тууг темдглджә-навдн.

Эн тоот төрмүдиг лавта ке-вәр күцәлгън, эдл-ахугъан, культуран улм өбдлүллгънә төлә ноолдлгън олт күцлтә болхла, коммунизмн диилв-рүр мана уралан йовлгън түр-гдхнь мел лавта.